




Број: 03/7-01-02-1-2623/25

Sarajevo, 9. 12. 2025.

Parlamentarna skupština BiH  
Kolegij Predstavničkog doma  
Ustavnopravna komisija Predstavničkog doma

 BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 09.12.2025

Organizaciona jedinica	Klasifikaciona oznaka	Radni broj	Broj priloga

B

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19, 26/20, 53/22, 59/23, 87/23, 50/24, 73/24 i 56/25) i čl. 1. i 2. Jedinstvenih pravila za izradu pravnih propisa u institucijama BiH ("Službeni glasnik BiH", br. 11/05, 58/14, 60/14, 50/17, 70/17 i 10/21), Zakonodavno-pravni sektor Zajedničke službe Sekretarijata Bosne i Hercegovine daje sljedeće

### MIŠLJENJE

o

#### Prijedlogu zakona

#### o izmjenama Zakona o plaćama i naknadama u institucijama Bosne i Hercegovine

I. Zakonodavno-pravni sektor Zajedničke službe Sekretarijata Parlamentarne skupštine BiH (u daljnjem tekstu: Zakonodavno-pravni sektor) zaprimio je 9. 12. 2025. dopis predsjedavajućeg Predstavničkog doma Parlamentarne skupštine Bosne i Hercegovine, broj: 01-02-1-2623/25 od 8. 12. 2025., kojim se, u skladu s članom 106. stav (1) Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Poslovnik), dostavlja Prijedlog zakona o izmjenama Zakona o plaćama i naknadama u institucijama Bosne i Hercegovine, predlagača Nihada Omerovića, Jasmina Imamovića i Predraga Kojovića, poslanika u Predstavničkom domu Parlamentarne skupštine Bosne i Hercegovine, radi mišljenja o usklađenosti s članom 105. Poslovnika i Jedinstvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinstvena pravila).

U nastavku Zakonodavno-pravni sektor je cijenio usklađenost Prijedloga zakona s Poslovníkom, te je konstatirano da su poslanici, ovlašteni predlagač u skladu s članom 104. Poslovnika.

Prijedlog zakona podnesen je u skladu s članom 105. stav (1) Poslovnika, u pisanoj i elektronskoj formi na bosanskom jeziku i latinici kao jeziku i pismu u službenoj upotrebi u Bosni i Hercegovini.

Također, u skladu s članom 105. stav (3) Poslovnika, konstatira se da dostavljeno obrazloženje Prijedloga zakona sadrži elemente propisane članom 105. stav (3) tač. a), b), c) i d) Poslovnika. Međutim, obrazloženje Prijedloga zakona ne sadrži mišljenje Direkcije za evropske integracije o usklađenosti Prijedloga zakona s pravno obavezujućim normama EU, kao i mišljenja

institucija i organizacija koje su konsultirane tokom izrade Prijedloga zakona, odnosno elemente propisane članom 105. stav (3) tačka e).

U skladu sa članom 105. stav (4) mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij doma.

Uz Prijedlog zakona priložene su odredbe članova koji se mijenjaju, te verzija prečišćenog teksta zakona, kako je to propisano članom 105. stav (5) Poslovnika.

II. U pogledu usklađenosti s Jedinstvenim pravilima, konstatira se da je Prijedlog zakona izrađen na način da odgovara nomotehničkim pravilima, odnosno da svojom strukturom, formom i stilom odražava pravila izrade pravnih propisa, kako je to i propisano Jedinstvenim pravilima.


Također, uvidom u tekst važećeg Zakona utvrđeno je da se sastoji od osnovnog teksta i 18 izmjena odnosno dopuna, zbog čega ukazujemo na član 46. Jedinstvenih pravila (Svrha i obim izmjena i dopuna) u kojem se navodi da je, ako je više od polovine članova važećeg propisa već izmijenjeno, odnosno dopunjeno ili se predlaže izmjena, odnosno dopuna jedne trećine propisa, potrebno pristupiti donošenju novog propisa, kao i da je nakon treće izmjene, odnosno dopune propisa potrebno pristupiti donošenju novog propisa.

Zatim, u članu 54a. Jedinstvenih pravila (Novelacija teksta propisa) navodi se da novelirani tekst propisa predstavlja ukupnost važećih odredbi jednog propisa koji je više puta mijenjan, dopunjavan i ispravljan.

U članu 65. Jedinstvenih pravila navodi se da Obrazloženje finansijskih sredstava sadrži procjenu potrebnih sredstava, izvora i metoda osiguranja sredstava za provođenje propisa, te da se procjena fiskalnih uticaja propisa podnosi na Obrascu broj 2A iz Aneksa I Jedinstvenih pravila, što ovde nije učinjeno.

Također, član 67. Jedinstvenih pravila (Revizija postojećih propisa) navodi da institucije Bosne i Hercegovine, kako bi se izbjegle situacije u kojima propisi postaju zastarjeli, nedosljedni ili loše izrađeni, uspostavljaju sistemske i periodične revizije postojećih propisa, a kao preduslov za reviziju propisa navedena je novelacija teksta propisa iz člana 54a. Jedinstvenih pravila.

Rukovodilac  
Zakonodavno-pravnog sektora  
Bojan Šehovac



Dostaviti:

- naslovu
- a/a